

# سِرِّ السُّلْطَانِ

سِرِّ السُّلْطَانِ

والله يهدي من يشاء الى صراط مستقيم  
ديني، علمي، ادبي، سياسي هفته لقي مجموعة اسلاميه در  
اتبعون اهدكم سبيل الرشاد

صاحب و مدير مسئول : ع . اشرف اديب

جلد ۲ - ۹

۲۷ ايلول ۱۳۲۸

پنجشنبه

۲۹ شوال ۱۳۳۰

عدد ۳۲ - ۲۱۴

## مقالات

### دشمنك هجومی بكار كن ...

باشده باغراستان اولوق اوزره بالقان حكومات صغیره سی بزه  
اعلان حرب ایده جكار ! ...

بوخبر استانبولی بویوک ره هیجان کتیدی. کچن هفته استانبولایلر  
بویوک برغلیان حیت ایچنده : طساوول زورنا ، آتشین نطقلر ،  
صمیمی و حار آقیدیلر و بی تابانه بر صبر سزقله بالقان دولت جکارینک  
متحد اولتیا توملرینی بکله دیلر ... کچن جمعه کونی استانبول سوقاقلری  
بر مشهر حماسه کسيلمشدی . مختلف فرقه لره منسوب ناطقلر  
عینی بیاناتده بولونیور ، مخالف و موافق هپسی يك اوز اوله رق :  
« یاشاسون حرب ، یاشاسون عثمانیلر ! »

دیوردیلر . ایرته سی کونی ولایندن کلن تلغرافلر بوتون ممالک  
عثمانیه نك دخی استانبولک عصر دیده میدانلرینی چینلاتان اشبو ندای  
حمله هم آواز اولدقلرینی کوستریوردی . وطن ایده رم که بوندالر  
یالکیز ممالک عثمانیه انحصار ایتیهور ، جان قولاغمله هندستان ،  
افغانستان ، ایران و قفقاسیا کچی ، تورکستان ، بخارا ، قریم ، قزان ،  
مصر ، تونس کچی ممالک اسلامیه نك دخی مرکز خلافتده ابراز اولونان  
اشبو هیجانلرله هم غلیان اولدیغنی و اورالرده کی ارباب حمتک حریم  
معنویتدن قویان :

« ای عالم اسلامک صوکه نقطه امیدینی یداداره لرند بولوندیران  
قرداشلر ، الله عشقنه ، ایجاب ایدن درایت و حمتی اسپر که میکیز ! »  
مأئده بر صیحه ایضاظ دیکله یورم . چونکه طرابلس غرب  
محاربه سی اوزرینه عالم اسلامده کورونن هیجان معنوی ، در سعادتده کی  
فرقه مبارزاتی اوزرینه هندستاندن چکیان انقباه آور تلغرافلر ، ممالک  
اسلامیه دن عثمانلی هلال احمر صندیغه کوندیریلن پاره لر بو خصوصده  
پکده نیکیان اولمایان یورکه آز چوق بر حساسیت ویرمشدر .

آه ، یدقدر تمده اولسه یدی ده کچن جمعه کونی استانبولک آلمش  
اولدیغنی اوشکل مهیبی عینله اقطار عالمه ، خصوصیه ممالک اسلامیه یه  
کوستره یدم . هم آرزو ایدردم که : حریت و ائتلاف ایله اتحاد  
وترقی نك آری آری یایدقلری میتینغلی بر هیئت متحده شکلنده  
کوستره بیله یدم ! ...

أوت ، نجه ، عثمانیلر ، بلا فرق مسلك و ملت ، وطن مشترک بولنده  
یکوجود اولدقلرینی عالمه بیلیدیرمک ایسته دکاری زمان ، یکوجودلغه  
ذره قدر شبهه ایراث ایدن هر شیدن صاقملی ایدیلر .  
« وطن مسئله سنده عثمانیلر متفقدر »

سوزنی حریت و ائتلاف ناطقه پردازلریله ، اتحاد وترقی خطیلری  
یان یانه و بر میتینغه بیان ایتمش اولیدیلر ؛ تظاهرات ملیه یی معناً دویالا  
ایتمش اولورلردی . بویله متحداً ، متفقاً آیریلق ، غیر یلق اظهارینه

میدان ویرمهدن الك جدی و انك صمیحی فرقه نمایشارینک ش اهد  
مسعودی اوله جغمزی ده البت که امید ایدرز . سعادت مملکت و منافع  
ملت ایجاب ایدر کن ، بونی غیور ، وطنپرور عثمانیلردن بکله مک چوق  
دکل در ، ظن ایده رم .

\* \*

عالم اسلام اوزرینه هجومک بری بتمه دن دیکری حاضر لنیور !  
مرا کشک فرانسر لر لنده ، ایرانک روسلر نیچهنده ایکنه دیکنی ،  
طرابلس غربک ایتالیان شقیلرینک هجومه معروض قالدیغنی ، بوکرده بالقان  
حكومات صغیره سنک بزه قارشی شماردقلرینی و اونلری شمارتان دول  
معظمه دن بعضیلرینک واقع اولان تشویقاتی کورونجه ؛ مسلمانلرک :

« عجباً بر حرب صلیب قارشیدسنده می یز ؟ ... »

دیه دوشونملری طبیعی در . بو سوآله مثبت بر جواب ویرمک  
ایچون ظاهرده بر چوق اسباب و دلایل واردر . فقط ایچمزده مسئله .  
نک بویله اولیوبده دیکر سواثق باطنیه سی اولدیغنی سویونلر و اویله  
دوشونلرده آز دکلدر .

ائبات مدعا ایتک اوزره طرفین بر طاقم دلایل سرد ایدیلر  
و هر کس کندی نقطه نظرندن حقائق سیاسیة واجتماعیه یی خصوصی  
بر صورتده تحلیل ایدیلر . طرفینک دلالتی نظر دفته آلمامق قابل  
دکلدر . فقط بو بویله اولمقله برابر ، طبیعی عمومی بر هجوم قارشیدسنده  
بولندیغمی ایچمزده انکار ایدن بر کیمسه ده یوق ! ...

أوت ، ماهیتده اختلاف اولسه ده ، کیفیتده همزک متحدا اولدیغنی  
مدهش بر هجوم قارشیدسنده یز ! بعضمزجه : بو ، خرسیتانلغک اسلامیه ،  
بعضمزجه غربک شرقه ، بعضمزجه ده قایتا ایزمک فه نودالیزمه قارشی  
بر هجومدن عبارتدر !

طبیعی بونلری آرایوب آراشدیرمق فائده سز دکلدر . زیرا اوزرمزه  
کلن بلانک نهدن عسارت اولدیغنی ونه کچی قوتلره مالک اولدیغنی  
اوکر نملی یز ، که اوکا کورده ده چاره دوشونملم . مرض تشخیص  
اولونمینه علاج تعیین ایدیله مز .

فقط بز اجتهادات سیاسیة مزده مع التأسف اختلافاتی او درجه یه  
واردیردق که واقع اولان هجوملرک عمومزه دکل ، معین بر طاقم  
هیئتلمزه قارشی اجرا ایدلرکنه بیله ذاهب اولدق .

ایراند بولدم : بوزواللی مملکت اسلامیه نك بر غزته جیسی اولمق  
حیثیتله آز چوق آلام و مسارینه اشتراک ایتدم . اوراده معارضلری  
ایچون « فلان فرقه سرکاره کلیرسه مملکت محو اولور » دین  
بر فرقه یی کوردم که زمام حکومت اللرنده ایکن روسلرک تبریزده  
ایکنجی بر فاجعه کر بلا آیاقلاندیردقلرینی کوردیلر و ایران حقوق  
حکمرانیسنی محل بر طاقم شرائط و خیمه یی متضمن روس اولتیا تومنی  
قبول ایتک مجبوریت الیه سنده قالدیلر . ناصل که اونلرک یرنده  
« فضله وطنپرور » تلقی ایدیلن دیکر ایران فرقه سیاسیة سی اولیدی ،  
بوندن ده ائی بر نتیجه حاصل ایدیله بیله جکی ده مشکوک ایدی ...

وطنپرورانه هیجانلر، عثمانلیلرده بویله «بر فرد واحد» کبی قیام ایتک روحنک سونم دیکنی مع المسار کوستریور. حدوده سوق اولونان عساکر اسلامیه و عثمانیه نیک طور دلارانه سنی سیرایدنجه انسانک قلبنه برانشراح کلیور؛ عثمانلی نام جلا دتی تاریخ جنک و وغانک دیباجه مفخرتی ایدن شانلی عثمانلی - اسلام قهرمانلرینک هیکل مهیب ودهاشی نظر خیالده بر رسمی کچید یاپیور؛ سائر ممالک اسلامیه نیک مدافعه سز بر حالده دشمنلر ائده ایکلیه رک زبون قالدیغندن حاصل اولان انکسار بر امید وافتخاره مبدل اولیور؛ و انسانک بلا اختیار باغره جنی کلیور که:

یاشاسون عثمانلیلر، یاشاسون عثمانلی عسکری!...

رسول زاده

محمد امین

### اگر تاریخ تکرردن عبارت ایسه...

ایسقا نیل کاغدلرندن یاپیلیمش او یونجاق بنالر کبی یکدیگرینه دایانمق صورتیله طور ابیلن و موجودیتلری سیوری سینکدر مثللی ویزیتیلریله صماخ مدینته خبر ویرن بعض حکومتجکر، ناصیلسه باشلرندن بویوک بر حرکته جرأت کوسته رمشلر.

فاره لره طوبولانوبده کدینک بوینه چینیغیراق طاقاسنی قرارلاشدیردقلری کبی بو طاغ صیجانلری، بوتارلا کوستبکلی، بو آطه طاوشانلری ده عثمانلی آرسلانلریله اوغراشمق ایچین بینلرنده - خایر، بینلرنده دیمه یلم، بلکه بونلرده بین وارمش کبی آکلاشیلیر! - آرلرنده بر اتفاق عقد ایتشلر.

عوعوملریله بوتون اوروپایی بیزار ایتدکاری حالده حدود باشلرنده باریناجق بر این، صیغیناجق بر قوووق تحریسندن کری طورمایان بو بالقان مخلوقاتی، آزیجق عاقلانه داورانسه لرده شو مجنونانه تشبیه بولونمازدن اول بر کره اولسون تاریخلری او قوسلر و ترجمه حال مقهوریتلری ممکن مرتبه او کره نسلر اولمازمی؟

احتمال که قفالرینی قاپلایان فکر عظمت، کوزلرینی قاپانان حرص منفعت الجاسیله بوکا موفق اولاماشلردر. بزکندیلرینه بو خصوصه انسانیتکارانه بر خدمت ایفاسی ایچین تکرر تکرر دکل، آل برلکی و کومه لر، سورولر تشکیلی ایله اوزه رمزه ایتدکاری عقورانه دولنلر نتیجه سننده خونخوار دیشلرینک ناصیل قیریلدیغنی، جانشکاف نیچه لرینک نه یولده سوکولدیکنی بروجه آتی یازیوروز.

اگر تاریخ، تکرردن عبارت ایسه... لطف الهی ایله بوسفرکده بزم ایچین شانلی بر مظفریت، اولنر ایچین ده قانلی برهزیمت اولاجغنده شبهه اتمه سینلر.

\*\*

هجرتک ۷۵۸ نجی سنه سی ایدی که: اورخان غازی نیک فرزندنجیلی، عثمانلیلرک سردار بی عدیلی اولان غازی سلیمان پاشا مرحوم، معینتی

استانبوله کلام: طوغروسو ایراندکی اختلافات اجتهادیه نیک عینیه بو اوده حکمفرما اولدیغنی مشاهده ایتدیکم ایچون بک متأسف اولدم. بوراده کی مبارزات سیاسییه او قدر ایراندکنه بکنزیوردی که: «ایتالیا، دولتعلیه دکل، معین بر جمعیه اعلان حرب ایتدی» دیه دوشونسلر بیله اولدی. سوکره بویله بر اتهام آلتنده قالدیلر: «معارضلر ایتالیانلرله تشریک مساعی ایتدیلر» کبی نشریاتده بولوندیلر.

بویله اختلافاتک نتیجه سی ده دولت معظمه عثمانیه یی او قدر ضعیف کوستردی که حتی بالقان دولتری بیله میدان او قومغه باشلادیلر. معلوم اولدیغنی وجهله بالقان حکومت صغیره سنک او بوشولماز، باریشلماز برچوق منافع متضاده لری واردر. بونلرک بوتون بومتباین منافع میانندن بر نقطه ائتلاف بولهرق علممزه متحد بر حرکت قرار ویرمه لرینه کندیلرندن، حتی صیغندقلری دول معظمه دن زیاده مساعده ایدن نهدر، بیلیور میسکز؟: بزوزم اختلافات داخلیه مزدر! اولنرزی احتراصات سیاسییه ایله آلوده، یکدیگر مزله باریشماز دشمن کبی کوردیلر، و بوحالزله معناً و مادهً ضعیف اولدیغمزه حکم ایتدیلر. بک آز نقطه لرده او بوشه بیلن بالقان دولترینک اتحاد عسکریسی تحریص ایدن بزم حالمزدر.

أوت، مرض مزمنلشمه نیجه تداو یسنه لزوم کورمه یین شرقی روحمز انجق شمده آکلیور که اختلافات اجتهادیه یی «بز اولماسق مملکت محو اولور» دستورینه ربط ایتک بویوک بر خطادر؛ هم بعضاً جنایتلر قدر مسئولیتلی اولان خطالردن!

بوکوندن اعتباراً بومضر اختلافلر قالدسین و بوهفته ایچنده بذل ایتدیکمز بیانات وطنپرورانه فوق العاده موقعمه سویله نیلمه سی مودا اولان موقت سوزلردن عبارت اولمه سین! چونکه بیلیمیز که بوکون جبل الطارق بوغازندن تاجیحون نهری سواحلنه قدر عالم اسلامی قانلی ضربه لرینه معروض قیلان جمله لری هر بر نقطه نظر دن تحلیل ایدرسه ک، نهایت بزده قارشی مدهش بر هجوم اولماسی کیفیتند. ایکی رأیمز اولامز. هپمز، اشبو مهاجمات غدارانه ایله دلخوتز، بومها جلرده کیمسه یه رحم و مروت یوقدر، معاذالله فرصت بولورلرسه، هپمزی بر درجه ده آزه جنک، چیکینه جکاردر! برزلزه، برطوفان، برصاعقه آسمانی ناصل بر عابدایله بر فاسقی تفریق ایتز سه ملیتمزی، دینمزی تهدید ایدن بو قانلی هجوملرده - اگر متحد اولمازسه ق - ایچمزدن فرقه آیرمیه رق، هپمزی او یله آزه جکدر! هجوملرک اوگنی آلق اوزره تدابیر احتیاطیه دن بحث اولونور، بو خصوصه مختلف نظریه لر سرد ایدیلر سه آکلارم، فقط مهاجمات بر امر واقع شکلی آنجه، آرتق یاشامغه عنم ایتش ملتلر ایچون یالکز برشی قالیور، که اوده:

بر فرد واحد کبی قیام ایتک، مهاجمینه قارشی قویق در!

\*\*

سفر بک اعلان ایدلر کدن سوکره صنوف مختلفه ملتده کوزوکن